

*Fumus qui rapiatur.* densantur, non fumus ad fumum accedet, quia non trahetur. Raperentur enim fumi ad fumos incensos. Sed fumus postquam est terra uel incendio erupit, frigidus est.

*Fumus frigidus.* Quod si ardent fumi nec tantum propter exiguitatem id apparet, cur non absumuntur? Quod si concedant consumi, unde cometæ materia? certè res inflammatae decrescunt & consumuntur. Quod si, uel non succedunt fumi continenter, uel cremantur, imò si nec cœlum, ut probauimus, nec sydera congregant, nec densat motus, nec halitus accendit, unde iste Cometa nobis generatur? Unde tantus ardor? In loco purissimo, ab hoc aere caliginoso remotissimo, & ubi ad calorem nullus radiorum conflictus? Neque possum ullo modo percipere causam ueram tam fixæ ac tam diuturnæ quietis huius fumi. Quo uinculo? quo fræno? quo unco? in uno eodem loco manet fumus ad 6, 8, 10, menses, donec fumeus mons coeat, & inflammetur? Et postquam incipit ardere, quæ causa quietis est? Quamuis enim feratur cometa cum cœlo, motu tamen suo, & vago & incerto, qui proprius est flagrantis fumi, non agitur: cum tamen cernamus globos igneos de cœlo ruentes (uidi semel Pisis unum) fulgura, fulmina, traiectiones quotidianas, & cœli flammæ, quibus tertio abhinc anno cœlum arsit, pelli & fugari fortuito quodam pulsus huc illuc, uel precipitare, uel tremere, atque uibrari: quæ uibratio in accesa omni materia & loco uno hærete semper conspicitur. At enim longinquitas facit, ut hic tremor non sit conspicuus, sed moles tantæ montis distantia impedimentum superare debet. Et si hoc Aristoteli dem, cur saltem non forma est propria flammæ? Quæ similitudo est inter pyramidalem ignis formam, & Cometarum? stant erectæ flammæ omnes, si fomes uno tantum hæreat loco. Cometæ uerò ferè oēs iacent, Et quæ ille noster describit instar facis ardentem, & stantem, cometam ego non dixerim, sed aliud uisi genus, uti multa fieri uidemus in aere, quorum naturis ignoratis, homines tamen arbitrati suo, & sepæ ineptè nomina imponunt.

Cum

*Cometæ materia*

*Cometæ fixa quies.*

*Ardētis rei motus.*

*Occupatio*

*Forma rerum adentium & cometæ.*

*Occupatio*

*Cœli ardor.*